




四库全书精品文存

第十四卷

团结出版社

四库全书精品文存

卷六十四

四库全书

9
四库全书

精品文存

· 14 ·

喻林(中)

团结出版社

喻 林 (中)

〔明〕徐元太 撰

田致中
张玉萍 整理

目 录

- | | |
|------------------------|-------------------------|
| 卷三十九 (1) | 卷四十四 (89) |
| 人事门(三十七) | 人事门(四十二) |
| 预图 原道 博爱 施德 | 贵全 贵通 贵忘 知止 知足 |
| 顺施 念故 利人 | |
| 卷四十 (20) | 卷四十五 (104) |
| 人事门(三十八) | 人事门(四十三) |
| 觉人 不欺 难欺 念本 | 各得 自得 有获 再造 昌后 |
| 重本 固本 受言 改过 | |
| 卷四十一 (38) | 卷四十六 (119) |
| 人事门(三十九) | 人事门(四十四) |
| 择取 择术 相成 | 全生 免害 转祸 生促 |
| 消弭 困达 适意 | |
| 卷四十二 (54) | 卷四十七 (133) |
| 人事门(四十) | 人事门(四十五) |
| 通才 才大 超群 大用 图大 | 瑕疵 过当 昏暗 乖异 |
| 卷四十三 (73) | 卷四十八 (149) |
| 人事门(四十一) | 人事门(四十六) |
| 精艺 乐道 忘世 安遇 轻外 | 倒置 惑乱 |
| | 卷四十九 (165) |
| | 人事门(四十七) |

混淆 计失 令反

卷五十 (179)

人事门(四十八)

荒纵 失道 听神

卷五十一 (195)

人事门(四十九)

失所 悖理 越理 私己

卷五十二 (209)

人事门(五十)

用术 排善 害正 害人

失人 失时 过时 业杂

卷五十三 (225)

人事门(五十一)

小用 可欺 贪得 贪惑 贪昧

卷五十四 (240)

人事门(五十二)

昧祸 祸原 养祸 寡效 生乱

卷五十五 (253)

人事门(五十三)

败成 无及 莫振 祸及 滋甚

卷五十六 (270)

人事门(五十四)

必败 徇外 饰貌

乱真 失真 忽己

卷五十七 (286)

人事门(五十五)

忽大 自多 不量 强为

卷五十八 (300)

人事门(五十六)

无用 干进 改节

窃位 誉失 材害

卷五十九 (314)

人事门(五十七)

善祸 见弃 无益

卷六十 (329)

人事门(五十八)

愚人 不悟 两失

卷六十一 (344)

君道门(一)

履运 修德 敬畏

广大 端尚

卷六十二 (360)

君道门(二)

仁厚 精诚 操柄

卷六十三 (376)

君道门(三)

独断 用众 从谏

审听 贵谦

卷六十四 (390)

君道门(四)

贵公 贵因 贵信

贵一 贵密 法鉴

卷六十五 (405)

君道门(五)

思危 戒察 戒侵

戒侈 戒满 虚怀

卷六十六 (419)

君道门(六)

用贤 辨才 知人 得人

卷六十七 (436)

君道门(七)

任人 器使

卷六十八 (451)

君道门(八)

择任 专任 烛奸

卷六十九 (465)

君道门(九)

取善 兼收 贵实 酬功

卷七十 (478)

君道门(十)

驭臣 敬臣 体臣

去谗 远邪

卷七十一 (492)

君道门(十一)

求士 致士

卷七十二 (507)

君道门(十二)

养士 勤民 防壅

福庆 瑞应

卷七十三 (521)

君道门(十三)

法天 尽道 神运 无为

卷七十四 (537)

臣术门(一)

审任 守正 守职 明分

忠君 匡辅 进言

卷七十五 (553)

臣术门(二)

谏诤 勤事 立功 进贤

称任 行令 攻邪 尽职

卷七十六 (567)	卷七十八 (596)
臣术门(三)	臣术门(五)
持体 恭顺 一心 积诚 和衷	结知 思退 立节
求助 不居 戒妒 戒随	保身 得君 得民
卷七十七 (581)	卷七十九 (609)
臣术门(四)	德行门(一)
戒贪 戒盛 忧国 重国	孝弟 廉洁 庄敬 谦退 履信
泽民 相道 择主	

喻林·卷三十九

· 人事门（三十七） ·

预图

水在火上，既济。君子以思患而预防之。 《易·既济》

今日当预思明日之事，如家人宿火矣。

《左传正义·昭公二十九年》

为虺弗摧，为蛇将若何？

《国语·吴》

德不素积，人不为用。备不预具，难以应卒。

《后汉书·冯衍传》

治疾及其未笃，除患贵其未深。

《吴志·骆统传》

原火不扑，蔓草难除。青青不伐，终致寻斧。

《宋书·武三王传》

去草绝根，在于未蔓。扑火止燎，贵乎速灭。 《陈书·周迪传》

善战者，不待张军；善除患者，理于未生；胜敌者，胜于无形；上战无与战。故争胜于白刃之前者，非良将也；设备于已失之后者，非上圣也。

太公《六韬·军势》

虑不先定，不可以应卒。兵不闲习，不可以当敌。

《邓析子·无厚篇》

不用在早图，不穷在早稼。

《邓析子·转辞篇》

凡治身养性，节寝处，节饮食，和喜怒，便动静，使在己者，得而邪气因而不生，岂若忧痼疵之兴，痼疽之发，而预备之哉。

《淮南子·说言训》

夫至巧不用剑，善闭者不用关键。

《淮南子·说山训》

良医者，常治无病之病，故无病。圣人者，常治无患之患，故无患也。

《淮南子·说山训》

事者难成而易败也，名者难立而易废也。千里之堤，以蝼蚁之穴漏；百寻之屋，以突隙之烟焚。人莫蹠于山，而蹠于垤。是故人皆轻小害，易微事，以多悔患至而后忧之。是犹病者已倦而后索良医也，虽有扁鹊、俞跗之巧，犹不能生也。

《淮南子·人间训》

残材木以成室屋者，非良匠也。残贱民人而欲治者，非良吏也。故公输子因木之宜，圣人不费民之性，是以斧斤简用，刑罚不任，政立而化成。扁鹊攻于腠理，绝邪气，故痈疽不得成形。圣人从事于未然，故乱原无由生。是以砭石藏而不施，法令设而不用。断已然，凿已发者，凡人也。治未形，睹未萌者，君子也。

《盐铁论·大论》

所贵良医者，贵其审消息而退邪气也，非贵其下针石而钻肌肤也。所贵良吏者，贵其绝恶于未萌使之不为非，非贵其拘之圜圜而刑杀之也。

《盐铁论·申韩》

兵不预定，无以待敌；计不先虑，无以应卒。

《说苑·谈丛》

富必念贫，壮必念老；年虽幼少，虑之必早。

《说苑·谈丛》

不困在于早虑，不穷在于早预。

《说苑·谈丛》

或曰：奔垒之车，沉流之航，可乎？曰：否。或曰：焉用智？曰：用智于未奔沉。大寒而后索衣裘，不亦晚乎！

《扬子·寡见》

贼方至，以疾走为务。食不消，以黄丸为先。子徒知此为贤，于安须臾。与求乞胡，而不知制贼，病于无形事，功幽而无跌也。夫救火以水，虽自多于抱薪，而不知曲突之先物矣。

《嵇中散集·难宅无吉凶摄生论》

君子欲正其末，必端其本；欲辍其流，则遏其源。

《抱朴子外篇·守堵》

旱极则水，水极则旱。故于旱时而预蓄舟，水时预蓄车，以待其贵，收其利也。

《前汉书注·货殖·昔先王传》

已乱而后治之，战斗而后获胜，则不足贵。

《前汉书注·匈奴传》

御灾在于未发，思患在乎预防。

《扬子法言注·寡见篇》

甲者一旬之始，已有之秘也。先之一日未兆也，后之一日已形也。夫求福于未兆之前易，救祸于已形之后难。

《扬子法言注·光知篇》

伐谋先兆，挤响于音。

《文选·陆士衡〈功臣颂〉》

将伐其谋，先其未兆。欲坠其响，在于为音。然兆为谋始，响为音初也。

李善注《文选·陆士衡〈汉功臣颂〉》

渴而后穿井，饥而后殖种，可以图远，难以应卒也。

《补文选·曹植〈谏伐辽东表〉》

夫疟之未发也，阴未并阳，阳未并阴，因而调之真气得安，邪气乃亡。故工不能治其已发，为其气逆也。

《黄帝素问·内经·疟论》

圣人不治已病，治未病；不治已乱，治未乱，此之谓也。夫病已成，而后药之；乱已成，而后治之，譬犹渴而穿井，斗而铸兵，不亦晚乎？

《黄帝素问·内经·四气调神大论》

上工救其萌芽，必先见三部九候之气，尽调不败而救之，故曰上工。下工救其已成，救其已败。

《黄帝素问·内经·八正神明论》

善治者治皮毛，其次治肌肤，其次治筋脉，其次治六府，其次治五藏。治五藏者，半死半生也。

《黄帝素问·内经·阴阳应象大论》

上工刺其未生者也，其次刺其未盛者也，其次刺其已衰者也。下工刺其方衰者也，与其形之盛者也，与其病之与脉相逆者也。故曰：方其盛也，勿敢毁伤刺其已衰，事必大昌。故曰：上工治未病，不治已病。此之谓也。

《黄帝素问·灵枢经·逆顺》

且一身犹一国也，胸腹之位犹宫室也，四肢之列犹郊境也，

骨节之分犹百官也。神犹君也，血犹臣也，气犹民也。故知理身，则知理国。爱其民所以安其国，吝其气所以全其身。民散则国亡，气竭则身死。亡者不可存，死者不可生。所以圣人消未起之患，理未病之疾；坚守之于无事之前，不追之于既逝之后。

《广黄帝本行记》

治之未乱，正之未倾，禁奸之本，制伪之端，闭邪之户，塞枉之门。

《道德经·指归卷十一》

大难之将生也，犹风邪之中人，未然之时，慎之不来。在于皮毛，汤熨去之。入于分理，微箴取之。在于藏府，百药除之。入于骨髓，天地不能忧，而造化不能治。

《道德经·指归卷之一》

未疾之人易为医也，未危之国易为谋也。萌芽之患易事也，小弱之祸易忧也。

《道德经·指归卷十一》

任车未亏，僮子行之；及其倾覆也，颠高堕谷，千人不能安。卵之未剖也，一指摩之；及其为飞鸿也，奋翼凌云，罟缴不能连也。胎之新乳也，一绳制之；及其为牡也，罗网不能禁也。虎也执群兽，食牛马，剑戟不能难也。故涟漪之流久，久而成江海。小蛇不死，化为神龙。积微之善，以至吉祥；小恶不止，乃至灭亡。

《道德经·指归卷十一》

果瓜结实未坚，虚脆易破。初心起染，亦复如是。结业微浅，故易除也。

《道德经注疏·卷六》

譬如已灭之火，不复求救，但多方便防未来火。又如治病，已减之病，不复加治，但治将生病。

《大智度论·卷三十八》

譬如有人，始遇患苦，或有医师，少给汤药，则可令差。亦如小树，初生之时，以爪能断；及其长大，虽有百斧，伐之犹难。

《本缘经·持王子品》

原道

为尊者讳耻，为贤者讳过，为亲者讳疾。 《穀梁·成公九年》

赵王封孟尝君以武城，孟尝君择舍人，以为武城吏，而遣之曰：鄙语岂不曰：借车者驰之，借衣者被之哉？皆对曰：有之。孟尝君曰：文甚不取也。夫所借衣车者，非亲友，则兄弟也。夫驰亲友之车，被兄弟之衣，文以为不可。今赵王不知文不肖，而封之以武城。愿大夫之往也，毋伐树木，毋发屋室，訾然使赵王悟，而知文谨，使可全而归之。

《战国策·赵惠文王》

国之有封疆，家之有垣墙，所以合好掩恶也。室不能相和，出语邻家，未为通计也。怨恶未见而明弃之，未为尽厚也。

《战国策·燕王喜》

君子不临深以为高，不因少以为多，况创病君父，以为己功者哉。

《风俗通·过誉》

人足所履，不过数寸，然而咫尺之途，必颠蹶于崖岸。拱把之梁，每沉溺于川谷者，为其傍无余地故也。君子之立己，抑亦如之。至诚之言，人未能信；至洁之行，物或致疑。皆由言行声名，无余地也。

《颜氏家训·名实》

淳酒味甘，饮之者醉不相知。薄酒酸苦，宾主嘖蹙。

王充《论衡·自然篇》

居穷则志笃，处达则恩轻。是以楚君施辔，激三军之浇俗；少原流恻，销轻薄之颓风。

李善注《文选·陆士衡〈演连珠〉》

宣帝时，公卿朝会，丞相次曰：闻枭生子，长且食其母，宁然？有贤者应曰：但闻乌子反哺耳。丞相大惭。君子之于鸟兽尚为之讳，况人乎？

《事文类聚·伯劳〈恒谭新论〉》

孔子将行，雨，无盖。门人曰：商也有焉。孔子曰：商也之为人也，甚短于财。吾闻：与人交者，推其长者，违其短也者，

故能以久也。

《太平御览·服用部·盖》

人亦有言，贾则易交，利重太山，道轻鸿毛。久而益敬，见之晏平。霜雪既至，劲柏冬青。

《初学记·人部·交友》

越俗性率朴，初与人交有礼。封土坛，祭以犬鸡，祝曰：卿虽乘车，我戴笠。后日相逢，下车揖，我步行，卿乘马。后日相逢，卿当下。

《初学记·人部·交友》

《新序·乐毅书》：君子绝交无恶言，去臣无恶声。

《困学纪闻·卷十一考史》

博爱

东风，生长之风也。山巅之上，草木犹及之。

郑氏笺《诗·谷风》

畀之为言与也，能以其余畀其下者也。焠者，甲吏之贱者也。胞者，肉吏之贱者也。翟者，乐吏之贱者也。阍者，守门之贱者也。古者不使刑人守门，此四守者，吏之至贱者也。尸又至尊，以至尊既祭之末，而不忘至贱，而以其余畀之。

《礼记·祭统》

当尚同之为说也。上用之天子，可以治天下矣。中用之诸侯，可以治其国矣。小用之家君，可以治其家矣。是故大用之治天下而不寃，小用之治一国一家而不横者，若道之谓也。故曰：治天下之国，若治一家；使天下之民，若使一夫。《墨子·尚同下》

藉为人之国，若为其国，夫谁独举其国以攻人之国者哉？为彼者由为己也，为人之都若为其都，夫谁独举其都以伐人之都者哉？为彼犹为己也，为人之家若为其家，夫谁独举其家以乱人之家者哉？为彼犹为己也。

《墨子·兼爱下》

阴阳以广陶济物，三光以普照著明，嵩华以藏疾为旷，北溟以含垢称大，硕儒以与进弘道，远教以博爱容众。

《抱朴子外篇·广譬》

具以九围共溺，并识归涯；万国均梦，一日俱晓。

《艺文类聚·内典部·寺碑表》

尸子曰：舜兼爱百姓，务利天下，其田历山也；荷彼耒耜，耕彼南亩，与四海俱有其利，其渔雷泽也；旱则为耕者凿渎，险则为猎者表虎，故有光若日月，天下归之若父母。

《困学纪闻·卷十诸子》

维摩诘言：从痴有爱，则我病生，以一切众生病，是故我病。若一切众生得不病者，则我病灭。

《维摩诘所说经·问疾品》

譬如长者，唯有一子，其子得病，父母亦病；若子病愈，父母亦愈。菩萨如是于诸众生，爱之若子。众生病，则菩萨病；众生病愈，菩萨亦愈。

《维摩诘所说经·问疾品》

施德

子女玉帛，则君有之。羽毛齿革，则君地生焉。其波及晋国者，君之余也。

《左传·僖公二十三年》

吾侪小人，所谓取诸其怀，而与之也。

《左传·宣公十年》

小国之仰大国也，如百谷之仰膏雨焉。若常膏之，其天下辑睦，岂惟敝邑。

《左传·襄公十九年》

小国为繁，大国为省，穡而用之，其何实非命。

《左传·昭公元年》

虽获归骨于晋，犹子则肉之。

《左传·昭公十三年》

胜如卵，余翼而长之。

《左传·哀公十六年》

公子赋黍苗，子余曰：重耳之仰君也，若黍苗之仰阴雨也。若君实庇荫膏泽之，使能成嘉谷，荐在宗庙，君之力也。

《国语·晋》

若君不忘周室，而为弊邑宸宇，亦寡人之愿也。

《国语·越》

杜赫欲重景翠于周，谓周君曰：君之國小，尽君之重宝珠

玉，以事诸侯，不可不察也。譬之如张罗者，张之于无鸟之所，则终日无所得矣；张于多鸟处，则又骇鸟矣；必张于有鸟无鸟之际，然后能多得鸟矣。今君将施于大人，大人轻君；施于小人，小人无可以求，又费财焉。君必施于今之穷士，不必且为大人者，故能得欲矣。

《战国策·周惠公》

宣扬朝恩，示以和睦，旷若开云见日。

《后汉书·袁绍列传》

倍知厚德，笃于慈父；浸淫肌肤，渗漉骨髓。德重山岳，泽深河海。

《后汉书·冯衍传注》

冀高世之德，施于田子；老马之惠，赠以秦穆。骏马之恩，使长有依归，以效忠心。

《后汉书·冯衍传注》

于覆巢之下，蒙全卵之施。

《晋书·慕容德传》

拯我涂炭，惠隆丘阜，润同江海，恩犹父母。

《晋书·应詹传》

鸟雀投人，尚能济免。

《晋书·赫连勃勃记》

濯其泥沙，假以毛羽。

《陈书·周迪传》

阴德者何犹耳鸣，己独闻之，人无知者。

《隋书·李士谦〈隐逸传〉》

庄周家贫，故往贷粟于监河侯。监河侯曰：诺我将得邑金，将贷子三百金，可乎？庄周忿然作色曰：周昨来，有中道而呼者，周顾视，车辙中有鲋鱼焉。周问之曰：鲋鱼来子何为者耶？对曰：我东海之波臣也，君岂有升斗之水，而活我哉！周曰：诺，我且南游吴越之王，激西江之水，而迎子可乎？鲋鱼忿然作色曰：吾失我常与，我无所处，吾得升斗之水然活耳。君乃言此，曾不如早索我于枯鱼之肆。

《庄子·外物》

有力者，疾以助人。有财者，勉以分人。有道者，劝以教人。

《墨子·尚贤下》

今赣人敖仓，予人河水，饥而餐之，渴而饮之。其入腹者，不过箪食瓢浆，则身饱，而敖仓不为之灭也，腹满而河水不为之竭也。有之不加饱，无之不为饥，与守其箒箒，有其井，一实

也。

《淮南子·精神训》

僇负羁以壶餐表其间，赵宣孟以束脯免其躯，礼不隆而德有余，仁心之感恩接而憺怛生，故其入人深，俱之叫呼也。在家老则为恩厚，其在债人则生争斗，故曰：兵莫憺于意志。莫邪为下，寇莫大于阴阳，桴鼓为小。

《淮南子·缪称训》

君子见过忘罚，故能谏；见贤忘贱，故能让；见不足忘贫，故能施。

《淮南子·缪称训》

今人放烧，或操火往益之，或接水往救之。两者皆未有功，而怨德相去亦远矣。

《淮南子·说山训》

请而得其赏，廉者不受也。言尽而名至，仁者不为也。今天油然作云，沛然下雨，则苗草兴起，莫之能御。今为一人言施一人，犹为一块土下雨也，土亦不生之矣。

《说苑·复恩》

庄周贫者，往贷粟于魏文侯。曰：待吾邑粟之来，而献之。周曰：乃今者，周之来，见道傍牛蹄中有鲋鱼焉，大息，谓周曰：我尚可活也。周曰：须我为汝，南见楚王，决江淮以溉汝。鲋鱼曰：今吾命在盆瓮之中耳，乃为我见楚王，决江淮，以溉我，汝则求我枯鱼之肆矣。今周以贫故来贷粟，而曰：须我邑粟来也而赐臣。即来，亦求臣佣肆矣。

《说苑·善说》

朝露不久，为恩惠少。膏润欲尽，咎在枯槁。

焦氏《易林·震之同人》

妾之幸于君王，犹鱼之狎于江海也。江海不为一鱼而深其流，君王不为一妾而深其恩。

《天禄阁外史·齐姬》

丝成帛，缕成布。赐人丝缕，犹为重厚，况遗人以成帛与织布乎！

王充《论衡·异虚篇》

袁将军再与兄子分家财多有，以为恩义。昆山之下，以玉为石。彭蠡之滨，以鱼食犬豕。使推让之人，财若昆山之玉、彭蠡之鱼，家财再分，不足为也。

王充《论衡·定贤篇》

设使有困病垂死，而有能救之，得愈者莫不谓之为弘恩重施